

Central YMA-in Mizo hming hawha sumdawng nia sawite enfiah dawn hnai

Written by Administrator
Monday, 18 July 2011 16:21 -

Aizawl: Central YMA chuan Mizo hming hawha sumdawng nia sawite hun reiloteah a enfiah dawn, He mi chungchang hi Inrinnia CEC meeting neih chuan an sawi hova, hetah hian Miram mi, hnamdang an hming hawhtirtu nia sawite chu an thil tih dan a hmuna kalin enfiah nise, a tul dan a zirin sorkarah thlen nise an ti a ni. He mi bakah hian Bank lem nia an hriat sorkar a thlen tawh-te chu sorkarin a bawhzui dana zira chhui zui zel ni se an ti a ni.

Kumin YMA General Con-ference October ni 25 atanga 27 thlenga Kolasib-a neih tur chungchang sawiho a nia, heta thupui sawitu atan Asst. Secretary, Pu Vanlalruata thlan a nia, an programme tur chu Finance Secretary, Pu J.Lalsailova hova din committee kutah dan a ni.CEC meeting hian tun hnaia ruihhlo ngaite puala camping an buatsaih chu tha an tia, YMA day hman dan pawh tha an ti bawk a ni. He CEC meeting hi an President Pu Lalchungnunga'n a kaihuai a, hetah hian kum 1996 aanga 2010 YMA history ziak turin Gen. Secretary, Pu Lalbiakzuala an ruat a, Central Anti-Drugs Squad Convener-ah Treasurer, Pu R.Lalnggheta an ruat bawk.